


MPAMPIANATRA VACATAIRE AMIN'NY UNIVERSITE

Sahirana, tsy nandray ny tambin-karamany efa an-taonany maromaro

Sahirana ireo mpampianatra vacataire amin'ny Universite eto amintsika amin'izao fotoana, efa an-taonany maromaro izy ireo tsy nahazo ny tambin-karamany, na vacation-ny.

Ny fanadihadiana natao no nahafantarana, fa ny asa tany amin'ny taona 2018, no nisitrahany'izy ireo tambiny farany tamin'ny taona 2021 iny, izany hoe tsy azo hatramin'izao ny an'ny taona 2019 ka hatramin'izao 2022 izao. Manahy izy ireo sao efa ny an'ny taona 2022, na ny aorian'izay ihany no hisitrahany. Manahy koa izy ireo ny amin'hy tsy fangaraha haraharan'ny "recrutement", noho ny tsy fisian'ny "bases de données" mazava tahaha ny an'ny ministeran'ny fanabeazam-pirenena, izay entina manao fampidirana ny mpiasa ho mpiasam-jankana raikitra ampahibemaso.

Miantso ny Minisiteran'ny Fampianarana Ambony sy ny Fikarohana ara-tsiansa, izay mpiyahy azy, ireto mpampianatra tsy raikitra eny amin'ny ambaratonga ambony ireto, mba handray andraikitra, sy hamaha izao olana izao. Manana ny anjara toerany amin'ny fampianarana eny amin'ny Anjerimanontolo, ireto so-



Universite eto Madagasikara, toeram-pampianarana ambony tsy ilaozan'olana.

kajina mpampianatra ireto, satria ny mpampianatra rai- kitra eny ny ankamaroany dia efa nahazoazo taona avokoa.

Niaina

Ambodivona Antananarivo

Mitady hanao amboletra haka ny tanin'ny mponina ilay karana



Tsy manaihy hiala amin'ny tany nohajariany nandritra ny 40 taona ireo mponina etsy Ambodivona.

ireo ary fantavy ny fokonolona hoe iza avy. Noho izany dia tsy manaihy intsony ny fokonolona, fa mitady hanala azy ireo amin'ny fomba feno

habibiana ilay karana, mitady ny handoro ny tanana.

Tafo miisa 52 no eo amin'izany toerana izany, efa 40 taona izy ireo no

teo amin'io toerana io, ka miantso ny tompon' andraikitra hijery akaiky izao raharaha izao.

Stefy

Fandrarana fanotofana tany

Nampihena ny vola miditra amin'ny kaominina Ampitatafika



Ny ben'ny tananana Ampitatafika, Rado Ramparaoelina.

Niteraka fahakiviana ho an'ny Ben'ny tananana Ampitatafika Antananarivo Atsimondrano, Rado Ramparaoelina ilay didimpitondrana mandrara ny fanotofana tany amin'ny faritra manodidina an'Antananarivo, satria nisakanan ny asa fampandrosoana eny ifotony ny fanapahan-kevitra. Nanazava ity olom-boafidy ity, fa nampihemotra an'ireo mpandraraharaha saika hampiasa vola amin'ny alalan'ny fananganana orinasa eny anivon'ny Kao minina ny fandrarana fanotofana tany nataon'ny fitondram-panjakana, satria manome asa ny tanora no sady mampidibola ho an'ny kitapom-boalan'ny Kaominina ny fanaovana "Remblais" voasoritra ao anatin'ny "Plan d'urbanisme detaillée". Nanamafy ny ben'ny tanana Ramparaoelina Rado, fa ny fanotofana tany no nahafahan'ny mpamboly vary eny amin'

me detaillée", no sady voafaritry ny "Levée topographique", mba hahafhana manohy ny asa fampandrosoana maro samihafa ary tokony ho nanatanteraka fakan-kevitra amin'ireo tompon' andraikitra eo anivon'ny Kaominina ny Ministera mpiahya alohan'ny nandraisana fepetra tahaka izao, satria miteraka fahasahiranana lalina ho an'ireo toerana voakasiky

Razakambelo Franck

Ny Valosoa sy fakafaka

Angôvo Miandry gropy faha-5 angamba vao tsy hisy delestazy

Novoizina mafy mihitsy tamin'ny fampahalam-baovao, fa hilamina ny famatsiana rianaratra, aorian'ny fametrahana ilay gropy fahaefatra any Andekaleka. Nisy mihitsy ny tetiandro navoaka izay nilazana hoe ny Zoma 14 Oktobra hatramin'ny Talata 18 Oktobra ihany no tsy lavorary ny famatsiana rianaratra, fa aorian'io dimy andro voalaza io dia hiverina amin'ny laoniny, hiverina "normal" no filazana navoaka .

Marihina fa andro vitsivitsy talohan'io dimy andro io dia efa tsy lavorary ny firehetan'ny jiro, ary ny ampitso Alarobia 19 Oktobra dia efa nifampitady tao anatin'ny haizina ny faritra maro teto Antananarivo Renivohitra ary hatramin'izao dia mbola izany no iainana . Izay vao mazava ny dikan'ilay hoe miverina "normal", satria ny delestazy dia efa lasa "normal" ho an'ny malagasy dia ilay fahatapahana tsy misy fampilazana , fa ny zava-nitranga tao anatin'ny dimy andro dia tsy delestazy no fantsio azy fa fanapahana efa voalaza mialoha.

Ireo tompon'andraikitra ao amin'ny Minisiteran'ny Angôvo sy ny Jirama anefa ,isaky ny mahazo sehatra amin'ny haino vaky jery dia tena matavy resaka tokoa , ny hamintinana ny resak'izy ireo dia ny hoe : mifalia ry malagasy fa ho lasa ny haizina, kanefa inona akory, fa vao mainka aza toy ny tain'omby natsetsindava-bary ka indroa nahita ny maizina.

Ny mpitondra faratampony eto amin'ny firenena mihitsy no efa zatra mamahan-dainga ny vahoaka, nomboka tamin'ny fakana fahefana tsy ara-dalana tamin'ny taona 2009 izany, nitohy tamin'ny fampielzankevitra tamin'ny fididianana 2018 ny filazana habobo , ary izao efa mahazo fitondrana izao, vao mainka manararaotra toy ny banga mihomehy amin'ny alina amin'ny bala rora, tsy resaka delestazy ihany no ambara etoana, fa ny lafin-javatra rehetra mihitsy no ahenoina fampantanenana poakaty mi-voaka avy amin'ny vavan'ny mpitondra.

Tonga ny fahavaratra efa mirotsaka ny orana ary efa misy koa ny kotroka sy ny tselatra, dia mahazo aina kely ny Minisitera ny Angôvo sy ny Jirama, satria misy ny toetrandro azo anilihana ny fahatapahana, kanefa tsy afa-bela ihany koa satria tokony hampihena ny fampiasana solika ny fisian'ny orana. Ny azo antoka aloha dia mety hivoaka ny feo izay manambara fa aorian'ny fametrahana ny gropy faha-5 dia tsy hisy intsony ny delestazy, ary ho lazaina amin'izany fa ho ritina mihitsy ny ranon'lkopa mandritra ny fametrahana io gropy faha-5 io.

Ny Valosoa

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Andry R.